



王禮卿

2. 5. 6. 生

山東諸城人

高等考試及格

經歷／

成大中文系副教授、中

興大學教授

作品／

「仁內義外說蕭銓」、「歷代文約選

詳評」、「遺山論詩詮證」、「文心雕

龍通解」、「四家詩愒會歸」、「選賦

考證」、「文選善注釋例」

# 誦芬館詩集

古典詩組第一名 王禮卿

## 感懷

憂患四十年，蒼茫無所歸，  
扶餘清絕地，幸息漢陰機。  
人生際叔季，臬比亦可識，  
輒欲事隴畝，奈此筋力微，  
讀書雖無成，語默儻不違。  
湯武事既往，寧作嵇生菲，  
元祐與紹述，孰與定是非，  
茫茫望禹迹，淚下沾我衣。

## 桂歌

卓爾一桂山之阿，  
神寒韻遠逸情多，海嶠十年未見此，  
好風朗月徒蹉跎。  
冶葉倡條紛爛漫，  
濃香俗豔爭猗那；  
葛藟髹髹若無骨，  
宛轉借力攀高柯；  
亦有老樹蟲百尺，  
貌雖高古中媿媿。  
辛靚奇花再三歎，  
願天惜此莫撼軻，  
已撼軻兮可奈何！

## 再遊關子嶺

秋色來何許？蒼然萬壑分。  
僧歸雙屐雨，樵壓一肩雲。  
林缺山盡出，巖高泉更聞。  
開樽藉艸坐，徒倚忘斜曛。

## 落葉

黃葉不受露，悄然辭故枝，  
夢隨鴻影遠，響借馬蹏遲。  
九辯騷人淚，小園去國詞，

飄零心自潔，風雨一燈知。

## 感懷

幾回俯仰總茫然，浪說樗材黃絹妍。  
攬轡壯心悲此日，名山事業想他年。  
生涯綠水紅蓮裏，思緒白雲落照邊。  
三十韶華平淡過，不知住世是何緣？

## 秋暮感懷

千山落木帶斜曛，萬里烽煙黯不分，  
宛馬嘶風想絕漠，盤鵬振羽欲凌雲。  
學輕稷下談天辯，才擲梁園賦雪文，  
悲淚非關蕭瑟感，愁看金虎蹴妖氛。

## 留別成功大學中文系諸生

離觴燈影話心聲，問字傳經昨夢縈。  
氣節誰當希獨士？文章我本愧虛名。  
抱因惜素成輕別，迹縱隨緣詎忘情。  
滿眼青山重回首，七年鴻雪郡王城。

## 自題小影

色身已是因緣合，  
更向因緣幻影身，  
傲骨峻增雙鬢改，

為誰辛苦作詞人？

## 題尉素秋女史秋聲詞

淮海風流今尚存；

夢窗七寶未為尊；

雲文華髮蘭亭感；

并入秋聲一斷魂。

## 弔西化論大師

笙磬同音亦一奇；

神州骨嶽遍鴻嘶。

銅駝撫事談西晉；

夷甫臨亡有痛辭。